

ՀԵՏԽՈՐՀԴԱՑԻՆ ՏՐԱՆՍՖՈՐՄԱՑԻԱՅԻ ՈՐՈՇ ՏԵՍԱԿԱՆ-ՄԵԹՈԴԱԲԱՆԱԿԱՆ ՀԱՐՑԵՐԻ ՇՈՒՐԳ

Հայկ Սուրիհասյան
Քաղաքական գիտությունների թեկնածու

Հետխորհդային տրանսֆորմացիայի հիմնախնդիրը ժամանակակից հասարակական և քաղաքական գիտություններում ամենաքննարկվող, վիճելի և բարդ խնդիրներից է: Խնդրի բարդությունը և ոչ միանշանակ լինելը պայմանավորված են ոչ միայն այն հանգամանքով, որ մինչ այդ գոյություն ունեցող տրանսֆորմացիաները կամ անցումները ուսումնասիրող քաղաքազիտական տեսությունները, ինչպիսիք են՝ տրանզիտալոգիան¹ (անցումագիտություն), ժողովրդավարացման երեք ալիքների տեսություննը² անզոր գտնվեցին հոտազուելու այս գործընացը, այլև հասուլապես այն հանգամանքով, որ հետխորհդային տրանսֆորմացիան իր ձևով և բռվանդակությամբ ամբողջապես տարբերվում էր տրանսֆորմացիայի և ժողովրդավարական անցման նախկին ձևերից: Ինչպես նշում է Տ. Թորոսյանը՝ այն եզակի է և աննախադեպ³: Հենց այս պատճառով է այս հիմնախնդիրը ուսումնասիրող մեթոդաբանությունները և տեսությունները ժամանակի ընթացքում սկսեցին երթարկվել քննադատության:

Հետխորհդային տրանսֆորմացիայի բազմաթիվ երկրներում ժողովրդավարության անցման գործընթացը ամեննեին էլ չհանգեցրեց ժողովրդավարական վարչակարգերի հաստատմանը, և անցումային հասարակությունների վերլուծությունը և հետխորհդային տրանսֆորմացիաների առանձնահատկությունների վերհանումը ժամանակակից հասարակական և քաղաքական գիտություններում դարձան միջառարկայական հետազոտության օբյեկտ:

1990-ական թվականների սկզբներին հետխորհդային տարածությունում սոցիալական և քաղաքական փոխակերպումները սկսե-

¹ 1. Gans-Morse J. Searching for Transitologists: Contemporary Theories of Post-Communist Transitions and the Myth of a Dominant Paradigm. "Post-Soviet Affairs", 2004, vol. 20, № 4, p. 320-349; 2. Möller J. Conceptualising democracy within the post-Soviet setting: A typology of political regime forms. "Politicon The IAPSS Journal", issue 9, April 2005, p. 5-19.

² Хантингтон С. Третья волна. Демократизация в конце XX века. М., 2003. С.354.

³ Թորոսյան Տ. Հասարակական համակարգի հետխորհդային տրանսֆորմացիա: Եր., «Գիտություն» հրատ., 2006, էջ 5:

ցին ուսումնասիրվել տարբեր տեսությունների՝ տրանզիտալոգիայի, Ա. Հանրինգտոնի «Երեք ալիքների»⁴ տեսության, անցման տեսության⁵ շրջանակներում: Ի սկզբանե տրանզիտալոգիայի տեսությունը⁶ հետխորհրդային տրանսֆորմացիաների հետազոտության համար կիրառվող առաջնային տեսություններից էր, և դա պատահական չէր, քանի որ խորհրդային միության վիրուզումից հետո հետխորհրդային երկրները որդեգրել էին ժողովրդավարության ուղին: Սակայն հետագայում լավատեսական միտումները նվազեցին, քանի որ այդ երկրներում ժողովրդավարացման գործընթացները ընթացան ոչ գծային տրամաբանությամբ, այսինքն՝ տեղի չունեցավ ուղղակի անցում ավտորիտարիզմից կամ տոտալիտարիզմից ժողովրդավարության: Եվ պարզ դարձավ, որ տրանզիտալոգիայի տեսությունը այլևս չի կարող սպասարկել հետխորհրդային տրանսֆորմացիայի հետազոտությունները: Պատճառները բազմաթիվ են:

Ինչպես նշում է Ա. Մելվիլը՝ «բազմաթիվ հետազոտողներ, նկարագրելով և վերլուծելով աշխարհում քաղաքական զարգացումը, ժամանակակից քաղաքական փոխակերպումները ընկալում էին բացառապես պարզ գծային տրամաբանության շրջանակներում՝ անցում ավտորիտարիզմի դեպքի կոնսուլիդացված ժողովրդավարություն»⁷:

Ըստ Ն. Գարենայի՝ հետխորհրդային տրանսֆորմացիայի ուսումնասիրության հարցում արևմտյան հետազոտողները հանգում են այն եզրակացության, որ տրանսֆորմացիայի ընթանուր տեսական դրույթները, օրինակ՝ անցումը ոչ ժողովրդավարականից ժողովրդավարական վարչակարգի, այս երկրներում չեն գործում և անհրաժեշտ են այլ մոտեցումներ⁸: Այս տեսակետը պաշտպանում է նաև Վ. Գելմանը, ով նշում է, որ հետխորհրդային հասարակությունների քաղաքական տրանսֆորմացիայի վերլուծության համար ժողովրդավա-

⁴ Хантингтон С. Третья волна. Демократизация в конце XX века. М., 2003. 354 с.

⁵ Мельвиль А. Демократические транзиты, транзитологические теории и посткоммунистическая Россия / А.Ю. Мельвиль // Политическая наука в России: интеллектуальный поиск и реальность: Хрестоматия / Отв. ред.сост. А.Д. Воскресенский. – М. : МОНФ; ООО «Издательский центр научных и учебных программ», 2000. С. 337-368:

⁶ Gans-Morse J. Searching for Transitologists: Contemporary Theories of Post-Communist Transitions and the Myth of a Dominant Paradigm. “Post-Soviet Affairs”, 2004, vol. 20, № 4, p. 320-349.

⁷ Мельвиль А. О траекториях посткоммунистических трансформаций. Полис. 2004. № 2. С. 65.

⁸ Гареева Н. Структурные и процедурные подходы как методологическая основа постсоветских политических трансформаций. Вестник ВЕГУ, № 4, (48), 2010. С. 129-131.

բացման ընդունված մոդելները ակնհայտորեն բավարար չեն այս երկրներում տրանսֆորմացիոն գործընթացները հասկանալու համար։ Ընդ որում՝ պարզ չէ նաև այն, թե որքանով են այդ տեսությունները կիրառելի հետխորհրդային տրանսֆորմացիաները բացատրելու համար։ Այս համատեքստում S. Կարողերսը նշում է, որ հետխորհրդային տրանսֆորմացիայի երկրների փորձի ուսումնասիրությունը տրանզիտալոգիայի տեսության միջոցով այլևս անարդյունվետ է և դրանից պետք է հրաժարվել¹⁰:

Ն. Դանիլովը նշում է, թե արդյո՞ք անցման գործընթացում մենք հաշվի ենք առնում ազգային և մշակութային առանձնահատկությունները յուրաքանչյուր պետության հետխորհրդային փոխակերպումը կամ հետխորհրդային ժողովրադավարացումը բացատրելու համար, թե պարզապես փորձում ենք ամբողջ հետխորհրդային տրանսֆորմացիան բացատրել կամ հետազոտել ընդհանուր օրինաչափություններով¹¹։ Օրինակ՝ Լ. Նիկովսկայան գտնում է, որ ուս հասարակության համար կիրառելի չէ արևմտյան գաղափարների և քաղաքական պրակտիկայի մեխանիկական կրկնությունը¹²։ Այս գործընթացում անհրաժեշտ է հաշվի առնել սեփական սոցիալ-մշակութային առանձնահատկությունները։ Կարծում ենք հետխորհրդային տրանսֆորմացիայի բացատրության Նիկովսկայայի այս մոտեցումը բանվականաշափ հիմնավորված է, քանզի ժողորվորդավարությունը պայմանավորվաւ է նաև տվյալ երկրի մշակութային առանձնահատկություններով, ընդունված քաղաքական փորձով և պետության կառուցվածքով (օրինակ՝ ամերիկյան ժողովրդավարությունը չի կարող նույնությամբ կիրառվել այլ երկրներում՝ առանց հաշվի առնելու դրանց առանձնահատկությունները):

Ըստ Վ. Մարտիյանովի՝ տրանզիտալոգիայի տեսությունը հետխորհրդային տրանսֆորմացիան դիտարկում է բացառապես արևմտյան ունիվերսալ մոդելների շրջանակներում, որոնց պետք է ձգտեն

¹⁰ Гельман В. Постсоветские политические трансформации. Наброски к теории. Полис, 2001. № 1. С. 15-29.

¹¹ Карозерс Т. Трезвый взгляд на демократию. Pro et Contra. № 1 (28). 2005. С.73-80.

¹¹ Данилов А. Постсоветские трансформации: уроки для будущего. Социология. 2005. № 4. с.23.

¹² Никовская Л. Проблемы и особенности демократической трансформации в современной России. [Электронный ресурс] <http://gar.ru/?group=573&doc=1661/16.11.2013/>.

հետխորհրդային տրանսֆորմացիայի երկրները: Եվ այս մողելից յուրաքանչյուր շեղում տրանզիտալոգիայի տևողաբան շրջանակներում դիտարկվում է որպես ժամանակավոր պաթոլազիա¹³: Իսկ անցումն էլ պայմանավորված է բացառապես տէխնիակական խնդիրների, պայմանների, միջոցների և ժամանակի գործուներով: Այս մողելի հիման վրա ստեղծվում են տրանզիտալոգիայի տարրեր մողելներ՝ «ալիքային», «երկրորդ փորձ», «ընդհատված ժողովրդավարություն», «ուղղակի անցում» և այլն¹⁴:

Մելքիլը, զնահատելով հետխորհրդային տրանսֆորմացիայի երկրներում վերջին տարիների քաղաքական գործընթացները, հիմնավորում է այն միտքը, որ ինստիտուցիոնալ կայունությունը և վարչակարգային կոնսոլիդացիան շատ հեռու են կոնսոլիդացված ազատական ժողովրդավարությունից¹⁵: Կարծում ենք՝ հեղինակի այս մուտեցումն արդիական է նաև այսօր, քանի որ հետխորհրդային տրանսֆորմացիայի երկրներում տրանսֆորմացիայի գործընթացները տեղի են ունենում տարատեսակ ելեկտրոնային՝ պաղաքական իշխանության փոփոխություններն ազդում են նաև քաղաքական վարչակարգի առանձնահատկությունների վրա՝ խոչընդոտելով կոնսոլիդացված քաղաքական վարչակարգի ձևավորմանը: Սա է պատճառներից մեկը, որ հետխորհրդային երկրներում այսօր հիմնականում գործում են հիբրիդային վարչակարգեր¹⁶:

Հայտ Կարողերսի՝ հետխորհրդային տրանսֆորմացիայի արդյունքում ձևավորվեցին դելեգատիվ ժողովրդավարություններ¹⁷, որոնք իրենցից ներկայացնում են ոչ միայն որոշակի հիբրիդային քաղաքական վարչակարգեր¹⁸, որոնք համակցում են ժողովրդավարական և ավտորիտար վարչակարգերի առանձին տարրեր և հատկանիշներ,

¹³ Мартынов В. Конец транзитологии: Что дальше? [Электронный ресурс] <http://novyn.kpi.ua/2011-2/34-filos-Shapoval.pdf> /15.11.2013/.

¹⁴ Гуторов В. Современная российская идеология как система и политическая реальность. Методологические аспекты. ПОЛИС, 2001, № 3. С. 73.

¹⁵ Мельвиль А. О траекториях посткоммунистических трансформаций. Полис. 2004, №2. С. 70.

¹⁶ Bechelt T. Forms of Rule in the Post-Soviet Space: Hybrid Regimes, /German Institute for International and Security Affairs, Germany. 2011.

http://www.kuwi.europauni.de/de/lehrstuhl/vs/politik3/Dokumente/publikationen/SWP_hybrid_regimes_in_the_post-soviet_space_8-2010.pdf /10.12.2013/.

¹⁷ Карапетян Т. Конец парадигмы. Полит. наука, 2003. №2. С. 49:

¹⁸ Diamond L. 2002. "Thinking About Hybrid Regimes," Journal of Democracy, 13(2), p. 21-35.

այլն կեղծ ժողովրդավարություններ, որոնք միայն նմանակում են ժողովրդավարության որոշ ձևական հատկանիշներ (օրինակ՝ ընտրություններ և բազմակուսակցական համակարգ)¹⁹: Ըստ Վ. Մարտիյանովի՝ հետազոտողները, ովքեր կիրառում են տրանզիտալոգիայի տեսությունը, արդեն նախօրոք պնդում են, որ անցումը պետք է հանգեցնի ժողովրդավարության: Այս համատեքստում տրանզիտալոգիան որպես պատմական գործընթացի ընկալման հարացույց, մեղադրվեց արդյունքների և պատմական գործընթացի կանխատեսման մեջ, որն այս դեպքում հանգում էր արևմտականացման²⁰: Այս դեպքում նրանք, ովքեր կիրառում են տրանզիտալոգիայի մեթոդաբանությունը վերածվում են հետազոտողներից գաղափարախոսների, ովքեր գրադարձ են արևմտյան արժեքների, քաղաքական ինստիտուտների մեխանիկական փոխառումն գործընթացով:

Տրանզիտալոգիայի՝ որպես մեխանիկական մեթոդի վառ ապացույց կարող է լինել S. Թորոսյանի այն մոտեցումը, որ պարզունակ արևմտյան մոդելներն առանց լրացուցիչ դժվարությունների փորձում էին լուծել հետխորհրդային տրանսֆորմացիայի խնդիրը, սակայն հետագա ընթացքն առաջացրեց լուրջ տոցիալական ցնցումներ, քաղաքական քենուացում և այլն²¹: Բացի այդ՝ տրանզիտալոգիայի՝ միակողմանի «անցում ոչ ժողովրդավարական վարչակարգերից ժողովրդավարականի» մեխանիկական գործառությը հնարավորություն չի տալիս ուսումնասիրել այս խնդիրը: Այս համատեքստում, ինչպես իրավացիութեան նշում է S. Թորոսյանը, մեխանիստական մտածողությունը, (այս դեպքում մեթոդը, - ընդգծումն իմն է՝ Հ. Սուրբիայան), կիրառելի չէ համակարգային փոփոխությունների ուսումնասիրության ժամանակ²²:

Հետխորհրդային տրանսֆորմացիայի հիմնախնդիրն ուսումնասիրվել է նաև U. Հանթինգտոնի «Ժողովրդավարացման 3-րդ ալիքի»

¹⁹Мельвиль А. Транснационализация мировой политики и ее «противофазы». Политическая наука в современной России: время поиска и контуры эволюции. М., 2004., с. 136-137.

²⁰Шабасова М. Транзитология как научный подход и идеология. Минск, БДУ. 2009.С. 199.

²¹Թորոսյան Տ. Հասարակական համակարգի հետխորհրդային տրանսֆորմացիա: Եր., «Գիտություն» հրատ., 2006, էջ 34:

²²Թորոսյան Տ. Հասարակական համակարգի հետխորհրդային տրանսֆորմացիա: Եր., «Գիտություն» հրատ., 2006, էջ 40-43:

տեսության²³ լույսի ներքո: Այս տեսության համաձայն՝ Խորհրդային Սիրության փլուզումը ժողովրդավարացման համաշխարհային գործընթացի մասն է կազմում, որը սկիզբ էր առել 1974թ. պորտուգալական հեղափոխությունից և հետագայում տարածվել Լատինական Ամերիկայի երկրներում: Սակայն այս տեսության դիտարկումը հետխորհրդային տրանսֆորմացիայի երկրների պարագայում հետազոտողներից ոչ մեկն այլև ճշմարիտ չի համարում: Մասնավորապես՝ նրանք նշում են, որ սխալ կիխի հետխորհրդային անցումը սահմանափակել միայն ժողովրդավարացման գործնթացով, քանի որ Կենտրոնական և Արևելյան Եվրոպայի երկրները, ինչպես նաև նախկին խորհրդային ասիական հանրապետությունները կանգնած են երկակի անցման շեմին՝ նկատի ունենալով փոխակերպումները և քաղաքական, և տնտեսական ոլորտներում: Ֆ. Ռոդերն այս երկուսին ավելացնում էր նաև երրորդ անցումը՝ կարեռելով ազգային փոխակերպումը, ինչը ենթադրում է ազգային պետությունների ձևափորում²⁴: Ըստ Տ. Թորոսյանի՝ ժողովրդավարացման գլոբալ միտումների երրորդ ալիքի շրջանակներում հետխորհրդային տրանսֆորմացիայի դիտարկումը մի շարք դեպքերում չկարողացավ դրանք զերծ պահել հետընթաց զարգացումներից: Ավելին՝ այն գծել է երկու տարամիտվող ճանապարհ, որոնցից մեկը տանում է դեպի ժողովրդավարության կայացում, մյուսը՝ դեպի ավտորիտարիզմ կամ ամբողջատիրություն²⁵:

Վ. Ֆեդոտովան փորձում է հետխորհրդային տրանսֆորմացիաները դիտարկել նոր մոտեցմամբ՝ առաջարկելով «догоняющая модернизация»²⁶ տեսությունը, որը հայերեն տարբեր կերպ են թարգմանում՝ հասկեհաս արդիականացում, հետևից վազող արդիականացում: Երբեմն խոսում են նույնիսկ հասկեհաս ժողովրդավարության մասին («догоняющая демократия»): Ակնհայտ է, որ սրանք «ձգած» տեսություններ են և լուրջ կերպով չեն կարող օգնել հասկանալու հետխորհրդային տրանսֆորմացիայի ողջ բարդությունը: Եվ ընդհանրա-

²³ Хантингтон С. Третья волна. Демократизация в конце XX века. М., 2003, 354 с.

²⁴ Roede Ph. People and States after 1989: The Political Costs of Incomplete National Revolutions / P. Roeder // Slavic Review. 1999. vol. 58. № 4. p. 854–882.

²⁵ Թորոսյան Տ. Հասարակական համակարգի հետխորհրդային տրանսֆորմացիա: Երևան: «Գիտություն» հրատ., 2006, էջ 96:

²⁶ Федотова В. От догоняющей модернизации к национальной: теоретический аспект.

http://www.perspektivy.info/rus/tus_civ/ot_dogonajushhei_modernizacii_k_nacionalnoj_teoreticheskiy_aspekt_2007-12-07.htm [Электронный ресурс] /24.11/2013/.

պես՝ տպավորություն է ստեղծվում, որ հետխորհրդային տրանսֆորմացիան ուսումնասիրող տեսությունները հիմնականում նկարագրական բնույթ ունեն և, այլս, անզոր են այս խնդրի ողջ բարդությունը ընկալելու և գործընթացներն ուղղորդելու համար: Դա պայմանավորված է այն հանգամանքով, որ հետխորհրդային տրանսֆորմացիան ուսումնասիրող վերը նշված տեսություններն այս գործընթացը չեն դիտարկում որպես առանձին երևույթ՝ մշտապես այն դիտարկելով որոշակի գործընթացների համատեքստում, ինչպիսիք են՝ արևմտականացումը, ժողովրդավարացումը և այլն:

Կարծում ենք՝ հետխորհրդային տրանսֆորմացիայի հիմնախընդրի ուսումնասիրության բարդությունը նաև նրանում է, որ հետազոտողները փորձում են գտնել այս հիմնախնդիրը բացատրող ընթանրական օրինաչափություններ: Եվ այս համատեքստում հատկանշանակ է S. Թորոսյանի հիմնավորումն այն մասին, որ հետկումունխստական պետությունները չեն կարող ունենալ դեպի ազատական ժողովրդավարություն տանող մեկ միասնական ուղի²⁷: Սա ամենահակիրճ բացատրությունն է այն մասին, որ այս երկրներում փոխակերպման գործընթացներն ունեն բացառապես այլ դրսորումներ՝ կապված մշակութային, պետական կառուցվածքի, աշխարհաքաղաքական տարածության գործունների հետ, և պետք է դրանք հետազոտել առանձին: Եվ հարկ է այս պետություններում տրանսֆորմացիայի հիմնախնդիրները ուսումնասիրել առանձին-առանձին: Հակառակ պարագայում՝ ընդհանրական մոտեցումների կիրառման ժամանակ մենք կունենանք այն նույն պատկերը, որն ունենք վերը նշված մյուս տեսությունների պարագայում:

ԱՍՓՈՓՈՒՄ

Հոդվածում դիտարկվում են հետհեղափոխական տրանսֆորմացիայի որոշ տեսակներ և գործնական հարցեր: Հեղինակի իրականացված հետազոտությունները վկայում են այն մասին, որ հետհեղափոխան տրանսֆորմացիայի գործընթացը ուսումնասիրում է տրանզիտալոգիայի, ժողովրդավարացման տեսության և անցման տեսության տեսանկյունից: Հարկ է նշել, որ գիտնականների տարարնույթ մոտեցումները տրանսֆումացիայի խնդիրներին իրենց ուրույն հետքն են

²⁷Թորոսյան Տ. Հասարակական համակարգի հետխորհրդային տրանսֆորմացիա: Եր., «Գիտություն» իրատ., 2006, 424 էջ:

թողել հետհեղափոխական տրասֆորմացիայի տեսական և գործնական խնդիրների լուծման վրա: Կարծում ենք, որ հասունացել է պարադիգմայի վերահմաստավորման պահը:

Բանալի բառեր-հետհեղափոխական տրանսֆորմացիա, տրանզիտոլոգիա, ժողովրդավարություն, քաղաքական վարչակարգ, պարադիգմա:

О НЕКОТОРЫХ ТЕОРЕТИКО-МЕТОДОЛОГИЧЕСКИХ ВОПРОСАХ ПОСТСОВЕТСКОЙ ТРАНСФОРМАЦИИ

Айк Сукиасян

Кандидат политических наук

РЕЗЮМЕ

В статье рассматриваются некоторые теоретические и методологические вопросы постсоветской трансформации. Проведенные автором исследования свидетельствуют о том, что процесс постсоветской трансформации исследуется с точки зрения транзитологии, теории демократизации, теории перехода и т.д. Стоит отметить, что разнообразные подходы ученых к проблемам трансформации оставили свой особый след в решении теоретических и методологических вопросов постсоветской трансформации. Мы считаем, что настало время для переосмыслиения парадигмы.

Ключевые слова: постсоветская трансформация, транзитология, демократия, политический режим, парадигма.

ON SOME THEORETICAL AND METHODOLOGICAL ISSUES IN THE POST-SOVIET TRANSFORMATIONS

Hayk Sukiasyan

Candidate of Political Sciences

SUMMARY

This article discusses some of the theoretical and methodological issues of post-Soviet transformation. The author's research indicates, that the process of post-Soviet transformation is studied from the point of transitology, theories of democratization, transition theory, etc. It should be noted, that a variety of approaches to the problems of the transformation of scientists left their own special mark in solving theoretical and methodological issues of post-soviet transformation. We believe that the time has come to rethink the paradigm.

Key words: post-Soviet transformation, transitology, democracy, political regime, paradigm.